



«15» օգոստոս 2025 թ.  
SSE-201025-123

**ՀՀ ԼՈՌՈՒ ՄԱՐԶԻ  
ՓԱՄԲԱԿ ՀԱՄԱՅՆՔԻ ՂԵԿԱԿԱՐ  
ՍՈՒՐԵՆ ԿՈՍՏԱՆԴՅԱՆ**

**Հարգելի՛ պարոն Կոստանդյան,**

Տեղեկացնում ենք Ձեզ, որ «Դարձի՛ր Սոցիալական Ձեռներեց, շենագրո՛ւ Քո Փամբակ համայնքը», Սոցիալական ձեռնարկատիրության դերը ՀՀ մարզերի զարգացման գործում գործարարության խթանման նոր բիզնես մոդել» կրթական ծրագրի շրջանակներում մեր կառույցը ս/թ հունիսի 16-ից մինչև հունիսի 19-ը ներառյալ դեմ առ դեմ հանդիպումներ է ունեցել Փամբակ համայնքի բնակիչների շրջանում, իսկ հունիսի 23-ին և 29-ին՝ առցանց «ZOOM» հարթակով (մանրամասները ներկայացված են հաշվետվության N1 հանդիպումների ժամանակացույց աղյուսակում): Հանդիպումների ընթացքում կրթական ծրագրին գրանցվել և մասնակցել են Փամբակ համայնքի 15 բնակավայրերի 174 բնակիչներ, բնակավայրերի ղեկավարներ, բնակավայրերի վարչական աշխատակիցներ (մանրամասները ներկայացված են հաշվետվության N1 մասնակիցների թիվը՝ ըստ բնակավայրերի N2 աղյուսակում):

Նշենք նաև, որ ս/թ օգոստոսի 3-ից մինչև օգոստոսի 10-ը ներառյալ իրականացվել է Ընդունելության 1-ին փուլը՝ հարցազրույցների շարք կրթական ծրագրին գրանցված բնակիչների շրջանում (վերջինս ենթադրում է առցանց և/կամ առերես հարցազրույց դիմորդների հետ), որին մասնակցել են մոտ 173 բնակիչներ, որից 2-րդ փուլ անցել են 88 բնակիչներ (վերջինս ենթադրում է դեմ առ դեմ անձի որակները և գործարար ոլորտի պրակտիկ գիտելիքները գնահատող «հարցաթերթ-թեստ»-ի լրացում): Կրթական բուն ծրագրի կազմում ընտրվելու են ընդունելության երկու փուլերը հաղթահարած և բարձր միավորներ հավաքած մինչև 18 հիմնական ունկնդիր/մասնակիցներ (Փամբակ համայնքի տարբեր բնակավայրերում բնակվող անձինք, ովքեր ցանկանում են ընդգրկվել կրթական ծրագրում), ինչպես նաև մինչև 5 ազատ ունկնդիր/մասնակից (մասնակիցներ, ովքեր աշխատում են համայնքապետարանում և/կամ մատուցում են ծառայություններ համայնքի զարգացման նպատակով, ցանկանում են մասնակցել ընդհանուր տեղեկատվություն ստանալու նպատակով: Ազատ ունկնդիրների ուսման վճարը չի ֆինանսավորվում համայնքապետարանի բյուջեից, ֆինանսավորում է մեր կառույցը (այսուհետև՝ ՍՁ դպրոց)):

Ընդհանուր կրթական խմբում ընդգրկված ունկնդիր/մասնակիցներից յուրքանջուրի հետ նախքան կրթական ծրագիրը սկսելը կնքվում է ներքին պայմանագիր, որում նշված են կրթական ծրագրի իրականացման բոլոր քայլերը, հետագա անելիքները, ինչպես նաև ունկնդիր/մասնակիցների լիազորությունների շրջանակները:




**Սոցիալական ձեռներեցների դպրոց**  
**School of Social Entrepreneurs**  
**© SE School & SEI Academy**

Ակնկալում ենք Ձեր համաձայնությունը կրթական ծրագրի մեկնարկն ազդարարելու համար, որի առաջին քայլը երկկողմանի համագործակցության պայմանագրի կնքումն է: Պայմանագրում կրթական ծրագրի Փամբակի համայնքապետարանի համաֆինանսավորման մասը կազմում է 7.000.000 (յոթ միլիոն ) ՀՀ դրամ ներառյալ հարկերը:

Նամակին կից ներկայացվում է՝

1. Դարձի՛ր սոցիալական ձեռներեց , շենագրո՛ւ (զարգացրո՛ւ) ՔՈ ՓԱՄԲԱԿ ՀԱՄԱՅՆՔԸ «Սոցիալական ձեռնարկատիրությունը՝ որպես Փամբակ համայնքի բնակիչների շրջանում գործարարության խթանման նոր բիզնես մոդել» կրթական ծրագրի ս/թ հունիսի 19 -ից մինչև օրս կատարված աշխատանքների մասին հաշվետվությունը (դեմ առ դեմ հանդիպումների ժամանակացույց, հանդիպումներին մասնակիցների թիվը՝ ըստ բնակավայրերի, ամսանց և դեմ առ դեմ հանդիպումներից հատվածներ, առաջարկություններ / մտքեր, որոնք գրառվել են հանդիպումների ընթացքում, միասին կարող ենք ավելին, սոցիալական ձեռներեցի (#ChangeMakers) սահմանումը, մեր գործունեության արդյունքները համառոտ, համայնքապետարանի հետ կնքվող պայմանագիր, դեմ առ դեմ հանդիպումների մասնակիցների գրանցամատյանը ( 26 էջ))
2. Հուլիսի օրինակը՝ կնքված ԱՍՀՆ նախարարության հետ (4 էջ) ,
3. ԱՍՀՆ նախարարի գրությունը ՏԿԵՆ նախարարին (1 էջ) ,
4. ՏԿԵՆ նախարարի երկու գրությունները (3 էջ),
5. Կրթական ծրագրի նկարագիրը՝ WORD (21 էջ) և PPT ձևաչափով (62 տեսասահիկ) ,
6. ՄՊԸ-ի պետական ռեգիստրի քաղվածքը ( 2 էջ):

Առդիր՝ 57 էջ:



**«Սոցիալական ձեռներեցների դպրոց» ՄՊԸ**  
**տնօրեն՝ Գոհար Մկոյան**  
**Կ.Տ.**